

中國方志叢書·華中地方·第二六一號

據

清光緒二年經修七年重訂本
沈鎔經修，劉德姚纂


影印

江 西 省

長寧縣志

(一)

成文出版社有限公司印行



10097076

中國方志叢書·華中地方·第二六一號

據

清光緒二年沈鎔經修，劉德姚纂
七年重訂本


影印

江 西 省

長寧縣志

(二)

成文出版社有限公司印行



10097075

中國方志叢書·華中地方·第二六一號

據

清·沈鎔經修，劉德姚纂
光緒二年修，七年重訂本


影印

江 西 省

長寧縣志

(三)

成文出版社有限公司印行



中華民國六十五年 月壹一版

長寧縣志

全三冊

發行人：黃 成 助

出版者：成文出版社有限公司
台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

新學社
PDG

光緒卅年重刊

尚義祠公局存板

長甯縣志

重刻長甯縣志序

志乘之修所以廣紀載備考訂傳諸人遠也自昔三代盛世設職方官掌天下地志而邦國之圖籍一經獻登舉班班可按籍考則郡縣地志之書所關甚重振古如茲非詳加修輯必有徵文考獻苦於傳信之無自者顧非修誠有所不傳矣乃既修而猶慮其弗傳且久者何也長甯自明置縣至今三百餘年其有志已舊矣前宰黃君瑞廷以省垣各上憲方修通志亟宜增修備採爰開局延邑之老成名宿商確參訂以冀厥事時在光緒二年丙子也迄戊寅春余奉

命來蒞茲土下車詢及縣志即屬僅見僉謂爾時修志舊本仍原存板帙而新增者並未鏤板率屬檢字而成事後無板再印故相距祇二三載而其書已不可多得余思志者記也原欲記一邑之事實以傳不朽長甯之志迭修於諸君子之手公餘嘗時披閱見其原本本踵事增新至黃君己蔚然可觀洵足信於今而傳於後獨惜其板帙不全勢必久而就湮早已懷重刻之志焉今歲冬特屬原輯廩生陳立超將舊板之漶漫者與未曾鏤板之新編重行釐定非以云修亦修之未以原無事於修第即數年來祀典禮樂亡

振興秩官貢舉之繼增壇廟公廨之建修倉庫穀石
之積儲所當按年以紀者逐次補入其他垂諸掌故
有待訪求者不敢漫續一循其舊編成付諸梓人以
開雕於是全板獲覩可以廣其傳即所以永其傳而
後之繼修者庶不至抱殘守闕尋墜緒之茫茫也則
余茲志之刻詎得已乎哉抑余更有期焉者志爲史
之一體勸懲於是乎寄自有茲刻以廣爲傳布使覽
之者家誦戶曉皆有所感發而興起將長宵雖向稱
巖邑一旦積習悉化風氣蒸蒸日上而士農工商各思
務其業而勵其行於以享承平之福而沐

聖天子文教之盛治於無窮也斯何如之慶幸哉

光緒七年歲次辛巳臘月吉日知縣事大司馬慶振

五修長甯縣志序

長甯志之修也凡邑中風土民情稱爲地靈人傑者
前人已詳言之邑宰黃井沈戴諸君以及賴君澤珊
沈君芸閣嘗攄精意構鴻篇足以後先輝映而余又
亟亟於是舉爲之贅述者緣省垣各上憲方修通志
屬石郡縣亦宜增修申送而不得辭其責也於是爲
集邑紳籌款設局舊本之已有板帙者悉循其故而
新增者隨付梨棗庶幾山川有以紀其勝人物有以
誌其奇政事足以徵其得失風俗足以考其醇澆舉
凡靈秀之區奇傑之士發其幽光垂諸簡冊前者既

相沿而不沒後者亦繼起而無窮是余志也有厚望焉光緒乙亥余攝篆茲土公餘翻閱邑志見其分爲志地志人志政志言四冊其間四廂十二堡暨八景諸詩山川之勝也歷代科名士宦名仕文人指不勝屈人物之奇也考前明及

國朝名宦修文講武薄歛平寇政績茂焉詞訟不繁械鬪漸息民風醕焉憶余下車時詢甯邑界連閩粵爲虔州之邊疆方以民俗犷悍士習粗疏爲慮厥後考童試考黜別目觀多士濟濟文風亦駸駸日上知來賊氛允靖閭閻安堵其講求良師益友觀感而

摩者素也況忠孝節義足以登諸傳記發爲歌詩者
亦復不少於此而不收入邑志以表揚其德鼓勵其
氣恐荒煙蔓草之間久將湮沒雖炙弗彰雖盛弗傳
何惜如之由是復商諸邑紳請其詳加採訪雖窮鄉
僻壤務使有善必錄無善不收而邑紳亦慨然應允
踴躍從公故於分野則紀其災祥於地輿則詳其形
勢於宦紳則載其職銜政績於藝文則採其文詞詩
賦大而戶口賦役城池倉庫小而橋梁塗徑卉木鳥
獸靡不條分縷晰纖悉弗遺俾上無負各憲纂修之
意下足爲後人考核之資凡所增修亦各以其類續

之甫經匝月其功告竣稿本爲沈君手編而成其事者同局諸君之力也余瓜代計將屆期不能與諸君久聚盤桓尙望互相勉勵奮其氣而進其德無異修志之初心焉爰書其事之顛末用以示紀載之實且以誌筆墨之緣云爾

光緒二年丙子季春

閩中黃光祥序

續修長甯縣志跋

明萬曆三年析安遠而置長甯越四年邑侯黃公及
泉編輯志書此志之所由助也

國朝康熙癸丑井公素庵重刻乾隆戊辰沈公次山復
修道光間邑人劉穆士太史編定稿本以費艱而未
刻戊申郡志重修多採擇焉咸豐五年乙卯蘓公澤
珊復修嗣以瓜代期臨未暇編檢其中卷頁之顛倒
字句之舛訛分門之闕漏難以枚舉如官署之未載
橋渡之皆遺則將焉用彼志哉光緒丙子春月
上憲委催邑志以備通志之採資 邑侯黃公瑞庭

政簡民和命余等編校重修因限期迅速遂將蘓志
原板及沈芸閣明府定稿續輯而補其遺無俗之意
知不能免尙祈後之續修而訂正焉則幸甚予思長
邑建縣至今三百年矣其志書雖經迭修而其志沈
志幾如星辰碩果先後修志之官俱黃明府姓氏適
同是殆有數存乎其間勸辦者何與焉爰舉其顛末
以示弗諠云

光緒二年夏月歲貢生即選訓導劉丕誠跋

長甯縣志光緒二年丙子續修姓氏

主修

藍翎提舉銜戊辰進士前署長甯縣知縣沈銘經
欽加同知銜乙丑進士署長甯縣知縣黃光祥

編輯

恩貢生候選教諭劉德煥

晉封文林郎邑增生曾璿

六品銜儘先訓導戊辰歲貢生劉丕誠

保舉即選訓導優廩生陳立超

理

藍翎提舉銜翰林待詔徐筠

藍翎都司銜上猶縣營前汛把總何世球

五品銜候補布政經歷凌用舒

候選遊擊曹國英

膳錄校對

廩生郭培元

廩生范振元

廩生劉才森

採訪參校

恩貢生候選教諭謝奪標